

Na osnovu člana 61. Zakona o upravi ("Službeni glasnik BiH", broj 32/02) i člana 19. stav (2) Zakona o Agenciji za identifikacione dokumente, evidenciju i razmjenu podataka Bosne i Hercegovine ("Službeni glasnik BiH", broj 56/08), te člana 8. a), stav 5. Zakona o putnim ispravama Bosne i Hercegovine ("Službeni glasnik BiH", broj 4/97,1/99, 9/99, 27/00,32/00, 19/01, 47/04, 53/07, 15/08, 33/08 i 39/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

PRAVILNIK

O NAČINU ZAŠTITE PODATAKA O IZDATIM PUTNIM ISPRAVAMA U CENTRALNOJ EVIDENCIJI

Član 1. (Predmet)

Ovim Pravilnikom propisuju se tehnički uslovi za zaštitu podataka kod nadležnog organa za vođenje centralne evidencije (u daljnjem tekstu: nadležni organ), mjere tehničke zaštite službenih prostorija, dokumentacije koja se vodi u postupku administracije centralne evidencije, tehničke mjere za obezbjeđenje podataka u centralnoj evidenciji i ostala pitanja vezana za tehničku zaštitu podataka o izdanim putnim ispravama.

Član 2. (Tehničke mjere zaštite službenih prostorija)

(1) Nadležni organ je dužan osigurati uslove za obavljanje poslova vođenja centralne evidencije u skladu sa Pravilnikom o zaštiti podataka u centralnoj evidenciji.

Član 3. (Tehničke mjere zaštite, nadzora, i arhiviranja službenih dokumenata)

(1) Sva dokumentacija vezana za administraciju i intervencije na centralnoj evidenciji o izdatim putnim ispravama mora se tokom i van radnog vremena čuvati zaštićena-zaključana u odgovarajućim sigurnosnim sefovima.

(2) Službene prostorije nadležnih organa moraju biti obezbijeđene sistemom elektronske kontrole prostora i stalnim video nadzorom, posebno radna mjesto sa kojih se neposredno može izvršiti pristup podacima o izdatim putnim ispravama u centralnoj evidenciji.

(3) Tokom radnog vremena službeni dokumenti i drugi izvori podataka kao i računarske jedinice ne smiju se ostavljati bez nadzora.

Član 4.
(Tehničke mjere za obezbjeđenje podataka)

- (1) Nadležni organ je dužan da provodi aktivnosti u smislu obezbjeđenja podataka i njihovog integriteta u skladu sa Pravilnikom o zaštiti podataka u centralnoj evidenciji.
- (2) Računarske jedinice i mrežni operatori (serveri) koji se koriste za smještanje podataka o izdanim putnim ispravama mora sadržavati mehanizme za bezbjedonosno prijavljivanje za rad na računarskim jedinicama i prijavljivanje administratora za rad na mrežnom operateru (server).
- (3) Obezbijediti arhiviranje podataka o prijavljivanju za rad kako bi se pristup računarskim jedinicama i podacima mogao ograničiti i nadzirati.
- (4) Obezbijediti mehanizme za onemogućavanje neovlaštenog korištenja podataka o izdanim putnim ispravama upotrebom prenosnih medija (diskete, ZIP diskete, CD-ROOM, DVD-ROOM, USB prenosnik i dr), komunikacijskih priključaka i priključaka za ispis podataka.
- (5) Obezbijediti mehanizme zaštite od djelovanja računarskih virusa i drugih štetnih programa.
- (6) Službenici nadležnih oragana ne smiju koristiti informatičku opremu i informatički sistem koji sadrži podatke o izdanim putnim ispravama, za obavljanje drugih službenih radnji.

Član 5.
(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 15/01-02-2-1967/09
21. maja 2009. godine
Sarajevo

Direktor
Mr. **Siniša Macan**, s. r.